



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Quoniam omnia iudicia eius in conspectu meo, Et iusticias eius non repuli  
a me.

**urn:nbn:de:hbz:466:1-37005**

recedent, qui sunt, qua iustitia meretur recipere contraria q̄ ab impijs patif, & impiorum contraria q̄ sperant, Sic Deutro. ix. prohibet dicens: Ne dicas in cor- de meo: Quia deleuerit dominus deus tuus eos in cōspectu tuo, propter iustitiā meam: Intro duxit me dominus, ut terram hanc possiderem, cum propter impi- tates istas iste deleat sint nationes: Neq̄ enim propter iustitias tuas & equi- tatem cordis tui, ingredieris, ut possideas terras eorum, sed quia illæ impiæ ege- runt, introeunte te, deleatæ sunt, ut completeret uerbum suum dominus, quod sibi iuramento pollicitus est, patribus tuis Abraham, Isaac & Iacob: Scito er- go, q̄ non propter iustitias tuas dominus deus tuus dedit tibi terram hanc optimam in possessionē. Gloriarī ergo aduersus impios, de iusta causa possu- mus & debemus, sed corā deo subdi & taceri ei q̄ soli gloriā tribuere oportet. Aduerter autem, iustitiam meam, pertinere ad patientiā, puritatem manuum ad innocentiam, hoc est, quod iniq̄ue est laesa, mala ferens propter iustam cau- sam, & nulli malum reddens aut faciens, propter iniuriā, hoc ipso scilicet me- rita educti in latitudinem, quia placitum est domino, pro sua gratuita miseri- cordia, in talibus hominibus.

Quā gloria  
andum.

Quia custodiui uias domini  
Nec impie gessi a deo meo.

Peritat in comparatione sui ad synagogam, ut probabunt sequentia. Iusti enim & si in carne sua peccatum habent, & corpus eorum propter peccatū sit mortuum, Spiritus tamen uiuit propter iustificationē, ut Apostolus Ro. viij. dicit. Contra, impij, in carne sua iustitiam suam ostentant, in spiritu tamen eo- rum est dolus, propter impietatem. Ita iusti foris agunt ut peccatores, intus ue- ro sunt iusti, impij autem foris sunt iusti, intus peccatores. At nulla cōparatio spiritus (quæ est impietas) ad peccatum carnis (quæ est rebellis concupiscen- tia) ita nulla est comparatio iustitiæ carnis (quæ est operatio legis) ad iustitiam spiritus (quæ est fides in Christo.)

Impij & iu-  
sti intus &  
foris.

Hoc est, quod hic dicit, se custodire uias domini, Quo autem modo custo- diuntur: In spiritu, non in carne, fide, non operibus, gratia, nō libero arbitrio. Ideo adiungit, Nec impie gessi a deo meo, id est, hæc est custodia uiarum domi- ni, non esse impium in deū. Impietas autem (ut sæpe dixi) incredulitas est, quæ per sua opera nititur iustificari, quæ ubi fuerit, nulla est custodia uiarum domi- ni. Hebraus simplici dictione, ראשי רשעים Rasachi dicit, id est, si liceret dicere, Im- pium impius fui a deo meo. Impietas autē est discessio & declinatio a deo, Si- cut psal. xij. uidimus. Et Hiere. xvij. Maledictus uir qui confidit in hominē, & recedit cor eius a deo. Ideo hebraico idiotismo dicit, nec impius fui a deo meo, non recessi a deo meo per impietatem.

Cum ergo tam magnum sit peccatum impietatis collatum reliquīs concu- piscentiæ in carne priorū, recte gloriatur Ecclesia, se non transgressam uias do- mini, nec impiam fuisse in eum, sicut sunt aduersarij eius, qui tamen propter iustitiam & zelum dei, in eam ferociunt.

Quoniam omnia iudicia eius in conspectu meo,  
Et iustitias eius non repuli a me.

Sugillat im

Sugillat impios, de quibus psal. ix. Auferuntur iudicia tua, a facie eius. Tale fuit & æmula eius synagoga, quæ omnium maxime uideri uoluit, iudicia se ante oculos habere, nõ repellere iusticias eius a se, quæ in Ecclesia habita minis ream faciebat semper. Quæ concertatio manet, donec caro & sanguis manet, cuius prudentia, dum iustitiam spiritus non capit, & suam argui nõ patitur, Contra prudentia spiritus, iustitiam carnis laudari non patitur, & iustitiam fidei prædicat, fit, ut perpetuo bello conerantur hi duo paruuli Esai & Isabæ in utero Rebeccæ.

Beatus ergo uir, qui meditatur in lege domini, die ac nocte, hic enim nec conspectum suum habet, omnia iudicia dei, nec repellit a se iusticias eius (Hebr. iustificationes eius) hic est, qui custodit uias domini, quæ in iudicijs & iusticijs eius præcipiuntur. Haberi autem in conspectu iudicia dei, indicat et distingi: Vbi enim est thesaurus tuus, ibi & cor tuum erit. Matthæi, vi. Opus autem habemus assidue, legem dei ante oculos nostros uersare, quia multus turbamur & distrahimur rebus & casibus, Hoc tamen sua sponte faciet, uolens in lege domini, quæ nisi assit, cito proiciemus retrorsum sermones domini, ad quod mox sequitur, neglectus uiarum domini, & impietas in deum &c.

*iudicia & iustificationes.*

Iudicia & iustificationes, hoc loco, sic differre credo, ut iudicia ad probationes pertineant, quibus iudicatur uetus homo, & iustificationes ad præcepta, quibus iustificatur spiritus, nouus homo.

Et ero immaculatus cum eo.

Et obseruabo me ab iniquitate mea.

Hic plane confitetur, reliquum ueteris hominis, contra quod se pugnatum promittit, sicut Apostolus Gal. v. & Ro. viij. & alijs locis docet mortificare carnem & membra, quæ sunt super terram. Itaq; custoditis omnibus uis dominici & euitata impietate, semper manet negotium crucifigendæ concupiscentiæ in nobis, quo emaculemur & renouemur de die in diem coram deo, & obseruemus nos ipsos ab iniquitate nostra, ne nos superet, peccatum enim non nobis dominabitur, quia sumus sub gratia, nec concupiscentijs carnis obedimus, ut regnet peccatum in mortali nostro corpore, licet non cesset sollicitas re, ut regnet & dominetur.

*Crucifigenda semper caro.*

Hanc renouationem assiduam & obseruantiam peccati, impij contemnunt, mundi enim sibi uidentur, quia iudicia & iustitias dei non habent in conspectu suo, nec intelligunt quæ grandem & absolutam munditiam exigant. Emphasin etiam ob eandem causam addit, cum eo, id est coram eo. Nam impij, qui has maculas contemnunt, immundi fiunt, de die in diem coram domino, hoc ipso quod mundissimi coram seipsis & hominibus sunt. Dictionem, *in* On, quæ hoc loco, iniquitatem reddidit, nondum habuimus, nescio qua ratione dicitur, nam ab alijs nominibus iniquitatem significantibus, Libenter ego, opera carnis eo significari admitterem, ut ad originale peccatum referat, ut sit, On, malum quod effrenis concupiscentia perpetrat, hoc est, quando peccatum regnat & dominatur, in opus prouens. Cætera enim uocabula, magis legem prohibentem, quæ originem mali furentem respicere uidentur, sic psal. l. Ecce in iniquitatibus conceptus sum &c. Quæ si uera essent, ualde nostro proposito comoda forent, ubi Ecclesia se custodire proponit, ne peccatum reliquum in carne, prodeat in opus.

*Et retris*